

13. februar 2026

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. Peqqinnissaqarfiup ineriartortinnissaanut ukiuni sisamani tulliuuttuni Naalakkersuisut suut pingaarnertut periusissatut suliaarat aammalu qanoq tulleriiaarneqarpat?
 - a. Peqqinnissaqarfimmut periusissiap suliarineqarnissaanut piviusunngortinneqarnissaanullu akisussaaffik qanoq ittuaa departementip peqqinnissaqarfimmilu aqutsisut akornanni?
2. Ukiuni sisamani tulliuuttuni Kigutilerisoqarnerup ineriartortinnissaanut Naalakkersuisut suut tamakkiisumik suliniutiginiarpaat?
 - a. Kigutit nakorsaatur atorfiit maannakkorpiat qassit inuttaqanngillat?
 - i. Kigutilerisussarsiornermut kigutilerisullu tigungmiinnarnissaannut suliniutit suut Naalakkersuisut aallartissimavaat pilersaarutigalugilluunniit?
 - ii. Immikkut ittumik suliniuteqarnissamik pilersaaruteqartoqarnerluni Nuup avataani atorfinnut inuttaliinissamut?
 - b. Aningaasat katilligut qassit kigutit nakorsaarnerup iluani siunnersortinut 2025-imi atorneqarsimappat?
3. Elektroniskimik napparsimasunut nalunaarsuutip nutaap (EPJ) atulerneranut atasumik, akisussaaffiit qanoq agguataarneqarpat tassani pineqarlutik departementip, peqqinnissaqarfimmi aqutsisut aammalu sullissisut allat akornanni?
 - a. Naalakkersuisut piffissaliussatut pilersaarut suna EPJ-ip nutaap atuutilersinneqarnissaanut sulissutigat?
 - i. Atuutilersinneqarnissaanut suliniutit qanoq sivilutiginissaat naatsorsuutigineqarpat?
 - b. EPJ-ip nutap atuutilersinneqarneerani kia ingerlatsinermut akisussaaffik pingaarneg tigungmissavaa?
4. Peqqinnissaqarfimmi aamma Inussuk IT akornanni suliaasat agguataarneri qanoq aalajangersarneqarpat?
 - a. Maannakkut aqqissuussineq Peqqinnissaqarfimmi IT-mut tunngatillugu marlunnik ingerlatsisoqarnissaanik suut tunngavilersuutaasimappat?
5. Peqqinnissaqarfimmi IT-mut immikkoortortaqarfimmi ukiumut ingerlatsinermut aningaasartuutit qanoq annertutigippat?



- a. Peqqinnissaqarfimmi IT-immikkoortortaqarfimmi siunnersortinut 2025-imi aningaasat qanoq annertutigisut atorneqarsimappat?

6. Inussuk IT-mi ukiumut ingerlatsinermut aningaasartuutit qanoq annertutigippat?

- a. Inussuk IT-p siunnersortinit sulisitsinermut 2025-imi aningaasat qanoq annertutigisut atorsimavaat?

7. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

(Inatsisartunut ilaasortaq Napaartoq Isak Petrussen, Demokraatit)

Tunngavilersuut

Peqqinnissaqarfik ukiuni tulluuttuni pingaaruteqartunik arlalinnik aqqissuussaannerut periusissianillu inississuisussaavoq. Periusissiaq ersarisoq ataqatigiissorlu ingerlatsinermut aalaakkaasumut, pitsaassutsumik qaffasissumik attanneqarsinnaasumillu nukiit atornissaannut pisariaqartorujussuuvuq. Taamaattumillu pissusissamisoorpoq pingaarnersiunerit paasinissaat aammalu aqqissuunneqarneranullu periusissiornerup piviusunngortinneqarnissaata paasissutissiissutigineqarnissaat.

Kigutit nakorsaqaarnermut tunngasortaa peqqinnissaqarfimmi pingaaruteqartorujussuuvuq pinaveersaartitsinermut passussinermullu nuna tamakkerlugu pingaaruteqartorujussuulluni. Kigutit nakorsaannik pissarsiorneq tigumminiinnarnissarlu, pingaartumik illoqarfiit annerusut avataanni, pingaarnarpaavoq assigiimmik peqqinnissaqarfiup tunniussinnaasaanut atuisinnaatitaanerup piviusunngortinnissaanut. Periusissiaq ersarisoq siumut ilisimasaqareernissamut siunissamullu ungasinnerusumut pilersarusiornissamut tapertaassaaq.

Napparsimasunut nalunaarsuutip elektroniskiusup nutaap (SPJ) suliassaavoq pingaarutilik annertoorlu, napparsimasut isumannaatsuunissaannut, suliat ingerlannerannut aningaasaqarnermullu pingaaruteqartoq. Tassunga atatillugu pingaartuuvuq paasilluassallugu akisussaaffiit agguataarneri, aqqissuussaaneq aammalu aningaasartuutit tamakkiisut, tassani aamma pineqarluni siunnersortinik atuineq aammalu IT-mut ingerlatsinermut aningaasartuutit.

Apeqquteqaateqarnermi siunertaavoq Naalakkersuisut periusissiaata sumut samminera, aqqissuussaanera pingaarnersiunerillu peqqinnissaqarfimmi ataatsimut paasilluassallugit, politikikkut oqallinnerit nanginnissaat tunngavissaqarluartumik ingerlanneqarsinnaaniassammat.

Apeqquteqaatima ullut suliffiusut qulit iluanni akineqarnissaat qilanaaraara.